









B. N.

Manuscript

439.6

skú

ANTIQUITATUM BOREALIU
OBSERVATIONES
MISCELLANÆ.

SPECIMEN PRIMUM

QVOD

LOCO PROGRAMMATIS

AD

AUDIENDUM D. X. ET SEQQ. AUGUSTI

IN

SCHOLA LATINA HAFNIENSI

EXAMEN PUBLICUM

OMNES

REI SCHOLASTICÆ AMICOS FAUTORES

ET PATRONOS

QVA PAR EST OBSERVANTIA INVITATURUS

SCRIPSIT

SCULO THEODORI THORLACIUS,

SCHOLÆ METROPOLITANÆ RECTOR.

HAFNIÆ 1778.

TYPIS SANDERO - SCHRÖDERIANIS.



ANTIQVITATUM BOREALIVM.
OBSERVATIONES MISCELLANÆ.
SPECIMEN PRIMUM.



CAP. I.

De

*Veterum, maxime Borealium Historia &
Poesi, earumque usu & ætatibus.*

§. I.

Usum historiæ pluribus & operosè monstrare haud difficile, sed minus necessarium videtur, utpote quem omnium fere gentium temporumque consensus, quin & antiquissima, humaniorumquè rudis agnoverit barbaries.

Quemadmodum enim memoria, omnis eruditionis promptuarium dici meretur, ita non erraverit, qui historiam memoriæ filiam, reliquarum, quæ genus humanum ornant, instruunt, oblectant, artium ma-

A

trem

trem & nutricem dixerit. Si rerum præ-
ritarum cognitionem fustuleris, tanta disci-
plinarum jejunitas hanc inopiam sequetur, ut
existimem, quæ sciamus, fore paucissima.
Eloquentiam enim, poësin, medendi &
reliquas artes, quæ auxilio historiæ non
commodius, quam aves alis, carebunt, ut
præteream, ipsius quidem Religionis bona
pars est historica, & jurisprudentia, rectrix
illa populorum, humanæ societatis guber-
natrix, & securitatis publicæ sequestra, tota
ferè vacillat, & incertis passibus vagatur,
nisi priorum temporum ritus & instituta, an-
tiquasque leges, quibus originem debent
recentiores, perspectas habuerit. Hinc reg-
natricis domus ortus, regnorum origines,
termini, jura; hinc fata populorum discuntur.
Nec novus hujus artis amor & præmium.

Cultissima quæque olim natio, cæteris-
que auctoritate & potentia celebrior, in hi-
storiæ studium adeo incubuit, ut, cum fa-
cere scribenda, eximium & laudabile, alio-
rum res præclare gestas memoriæ mandare
semper honorificum fuerit. Unde nobis
quæso

quæso tanta & tanti Græcorum & Romanorum notitia, nisi optima ingenia sua interessè putassent asserere decus patriæ, ejusque ad posteros usque & in omne ævum perennaturæ nobilitati consulere.

§. 2.

Non mirum igitur si historia mortalibus adeo necessaria, artium humanarum, quas liberales vocant, antiquissima quoque sit. Cujus quidem rei argumenta vel ipsa natura suppeditat. Ea namque est animi nostri indoles, ut, cum pluribus quibus instructus est, facultatibus ad rerum contemplationem utatur; harum singulæ suas partes habeant & exsequantur. Memoria nempe acceptas primum a sensibus externis rerum species recondit, & ex sua quasi penu depromtas, vel invicem conferendas ingenio, vel judicio & intellectui deinceps ulterius excutiendas tradit.

Cæteris itaque animæ facultatibus ordine & officio quo prior est memoria, eo historia quoque reliquis, quas solertia homi-

num adinvenit, artibus & scientiis anterior, imo factis & memoriæ humanæ, quæ eventus & facta repræsentat, cœva dici debet; atque adeo cum ipso tempore testis illa temporum cœperit, necesse est.

§. 3.

Mater historiæ memoria satis quidem fida fuit; quamdiu & novitate rerum, & hominum longævitate adjuta sibi confidere poterat. Ut vero vetustate factorum confenescere; cum decursu & vicissitudine temporum, per ora majorum ad posteros transmissa corrumpi & alterari; gliscente porro indies rerum memorabilium numero, ut suis terminis omnia mortalium clauduntur, obrui cœpit, quominus intercideret remotiorum temporum notitia, & poëscos & literarum indiguit auxilio.

§. 4.

Quod vero historia poësin antecesserit, vel inde perspicitur, quod hæc illius conservandæ causâ inventa & hominibus data videatur. Nec canere vates potuissent, nisi
rerum

rerum præteritarum cognitione, & exemplorum ex historia petitorum copia, ut oratori, teste Qvinctiliano, ita poetæ quam maxime necessaria instructi. Antiquissima quoque, quæ supersunt carmina, vel carminum fragmenta, argumenti pleraque sunt historici. Quicquid enim prisci illi gentium vates de sacrorum mysteriis, de origine deorum, rerumque primordiis & naturâ commenti sunt, nihil aliud esse videtur, quam male confuti centones & laciniae narrationum, in quibus gesta & memoriam hominum, suo ævo celebrium, tum insana minorum admiratio in superstitionem versa, cum perfida posteris imponendi cupido, partim corruptis & fabulosis historiæ vetustissimæ, ac a primis inde hominum progenitoribus propagatæ reliquiis commiscuit; partim, nulla temporum habita ratione, adeo confudit, ut, quæ plurium fuere, uni tribuantur; quod *Jovis*, *Herculis*, & apud majores nostros *Odini*, *Thori*, *Starcateyi* & aliorum plurima exempla loquuntur.

§. 5.

Habet hoc poësis peculiare, ut cum pascat animos, ingenia acuat, memoriæ quoque succurrat, oblivione hominum & rerum multitudine fatiscenti. Nihil enim vel facilius discitur, vel hæret diutius quam carmina; five illud occulto naturæ beneficio, imbecillitati memoriæ hoc modo subvenientis, five numerorum sua serie decurrentium, & memoriam sponte ducentium similitudini tribuendum sit. Calluerunt hanc artem antiquissimi gentium doctores. Carminibus *Zoroastes*, *Linus*, *Orpheus* & alii sua tempora erudiverunt, & vetustissimis quoque temporibus quaecumque ligati sermonis genus fuisse, quod literis nondum inventis vel cognitis, librorum ipsis vicem præstitit, satis constat ⁽¹⁾. Quo nomine laudari meretur vetus *Druidum* disciplina, qui magnum versuum numerum discipulos edificere jubebant, ne literis confisi minus memoriæ studerent ⁽²⁾. Priscos igitur gentis Celticæ magistros secutus pueros monet poeta *Massiliensis*:

- - dent

- - - *dent primos versibus annos,
Mæoniumque bibant felici pectore
fontem.*

(1) vid. Cluverii antiquit. German. Libr. I. cap. 24.

(2) vid. Jul. Cæsar. Comment. de bell. Gall. Libr. 6.
cap. 14.

§. 6.

Nisi igitur clara majorum facta, ceu
todidem incitamenta virtutis, ab oblivionis
injuria mature vindicasset veterum poëta-
rum industria, omnis fere priorum tempo-
rum, apud gentes litterarum expertes, me-
moriam periisset juxta Horatianum istud:

*Vixere fortes ante Agamemnona
Multi, sed omnes illacrimabiles
Urgentur, ignotique longa
Nocte, carent quia vate sacro.*

Unde poësis historia quidem, cujus est con-
servatrix junior, literis vero antiquior haben-
da est. Ut vere *Lactantius* dixerit (¹): "Poë-
tas multo antiquiores esse quam historicos
& oratores, & cætera genera scriptorum."

Et alibi (²): "Poëtas multo priores fuisse quam philosophos, & ante natum sapientiæ nomen, pro sapientibus habitos. „ Heroicum illud poëseos genus, quo regum ducumque res gestæ & fortia facta celebrantur excoluisse priscos *Germanorum Bardos* (³), idque unum apud eos memoriæ & annalium genus fuisse refert *Tacitus* (⁴). Noti sunt *Lucani de Bardis* versus (⁵):

*Vos quoque qui sortes animas belloque
perentias*

*Laudibus, in longum vates dimittitis
ævum:*

Plurima securi fudistis carmina Bardi.

(1) Libr. 7. cap. 22.

(2) Libr. 5. cap. 5.

(3) Quamvis de vocis *Bardi* etymo nemini temerè litem movere velimus, sterilis enim & infoelix plerumque solet esse, quæ ejusmodi rebus insumitur opera, *Bardos* tamen nec a tarditate, quæ græca est origo, nec a sono, quem canendo edebant, barrorum seu elephantum *barritui* non absimili, quod *Pontano* in hist. rer. Dan. pag. 23, placuit, dictos arbitror;
fed

sed, vel, ut *Longobardi* a *barba*, gravitatis & prudentiæ senilis indice, quam veterum quorundam philosophorum exemplo forte præ aliis aluerunt, vel a Bardo quodam denominatos, qui inter *Germanos* primus vel eximius poeta forsitan fuit. *Bardur* enim tritissimum viri nomen inter antiquos Boreales, a quibus Germani, vel a communi præceptore *Odino*, artem non modo poeticam, sed & linguam didicisse videntur; nihil enim antiquius, & majoribus nostris magis solenne, quam heroum bello perentorum laudes canere. Fateor quidem dubiam mihi semper visam vocis Longobardicæ originem, quæ a *Bard*, barba deducitur. Hac enim significatione vox illa in antiqua Borealium lingua, quæ *Longobardis*, sive *Cimbri*, sive *Sveci*, sive *Norvegi* fuerint, debuit esse vernacula, insolens est, certe mihi nusquam lecta. Nec istud nomen satis aptum videtur, quo hæc gens ab aliis distingveretur, cum præter plurimas alias pleræque *Europæ* nationes præsertim *Boreales*, barbam tunc temporis promitterent. Illis igitur magis assentior, qui *Longobardos* dictos volunt a voce *Barde*, quod bipennis bellicæ nomen erat. Secures enim, longis manubriis instructas, perantiquum teli genus, & Borealibus

maximè usitatum fuisse, ex historia notissimum est. Hinc talis bipennis vetus regni *Norvegici* insignis, Hellebard etiam nunc vocatur, forte ab *Hel*, Morta, sic dicta, quasi securis letifera sive bellica. Quin etiam in carmine antiquo *Hakonarmál*, quod *Haconi Adalsteni* alumno Norvegiæ regi, qui anno 963 obiit, cecinit *Eyvindus* poeta, vulgo *Skaldaspillir*, integra hæc vox & incorrupta occurrit: Vid. Sturkæf. Heimkringla Ed. nov. Hafn. pag. 162.

Lutu *Langbardar* ad lyda fiörvi. i. e.

Imminebant vitæ virorum longæ bipennes.

Frequentissimum scilicet erat ætati bellicosæ armorum nomina, non singulis tantum hominibus, ut *Geir*, *Hiör*, *Brandur*, *Hiabnar*, *Skiöldur*, *Brynjar*, sed & integris populis imponere. Sicuti enim *Romani* olim *Quirites*, teste *Ovidio* Fast. Libr. 2, fortè dicti, — Quod hasta *Quiris* priscis est dicta *Sabinis*. Ita *Saxones* a gladiis brevioribus, olim *Sax*; *Germanos* a *Geir*, hasta, telum, quasi *Geirmenn*, hastigeros, & *Longobardos* à securibus bellicis, quarum usus ipsis peculiaris, nominatos existimo. Sed de *Bardorum* nomine hæc forte nimia.

(4) Vid. Libr. de moribus Germanorum.

(5) Pharfal. Libr. I.

§. 7.

Idem quoque heroicæ & historicæ poë-
feos studium apud Septentrionales olim, &
à remotissimis inde temporibus, in usu &
honore fuisse, res est in monumentis borea-
libus testatissima. Hanc artem tanti fecêre
maiores, ut ejus originem divinam, usum-
que non in regum solum & principum con-
viviis, sed deorum quoque & heroum vitâ
functorum dapibus gratissimum existimave-
rint. Unde veteres poëtæ carmina vocâ-
runt *Odini Medonem* ⁽¹⁾ cujus quippe potu
monoheroes in *Valhalla* ⁽²⁾, *Odini* convivæ,
teste *Edda* ⁽³⁾ maximè delectabantur.

Nec sua veteribus Aganippe, *Fons*
Mimeris dicta, nec suus Apollo defuit; *Bra-*
gium enim poëtarum deum vocârunt ⁽⁴⁾, a
cujus nomine *bragur*, carmen, metrum di-
citur. Ipsum vero principem deorum *Odi-*
num ut religionis & omnium apud Septen-
trionales artium, ita poëseos auctorem cre-
diderunt

diderunt. Cujus rei, præter *Eddam*, testem habemus *Sturlæsonium* in *Heimskringla* (5), unde luculenta sane viri verba huc transcribere non pigebit: “ *His alia accessit causa,*
 “ *ea nempe oris facundia, ea vocis atque*
 “ *sermonis suavitas, ut quæ loquebatur, au-*
 “ *dientibus sola viderentur vera: quæ vero*
 “ *loquebatur omnia, metro erant compo-*
 “ *ta, pro ut ea cantantur, quæ jam carmi-*
 “ *na vocamus. Ipse, ut & eum comitati*
 “ *Templorum Præsides vocantur carminum*
 “ *artifices. Illis enim, in terris boreali-*
 “ *bus, suam ea ars debet originem.,*

(1) Sic poësis vocatur in carmine antiquo vulgo *Höfudlausn Egills Skallagrimsfonar*, quod in ejusdem *Egilli* historia, nec non in quibusdam *Eddæ Sæmundinæ* exemplaribus exstat. Impressa latinè habetur in O. *Wormii* Litterat. Run. Germanicam ejusdem dedit versionem Vir celeberr. D. *Denis* inter *Lieder Sineds der Barden* pag. 70.

(2) *Valhalla*, vatum carminibus celebris, & fortissimis olim viris mortis & laborum solatium, nomen habet a *Valur*, strages & *Haufl*, aula, quasi præliis cadentium domum vel sedem dixeris, hinc *Odinus* ipse *Valfader*, i. e. in armis strenuè occumbentium pater, Vid. *Eddæ*.

Fab.

Fab. 18. Hinc *Valköflur*, cumulus cadaverum; hinc *Valkyriur*, quasi cædendos eligentes, deæ *Odini* ministræ, quæ ipso jubente, per aera, & maria vectæ, unde *Valfart* iter aereum, ad prælia pergebant, vivos morti destinabant, & exitum præliorum moderabantur; de his utraqve *Edda* passim. Hæ insignes quoque heroas in *Valhallam* invitabant, hasque sibi ab *Odino* missas fortissimus olim rex *Daniæ Ragnar Lodbrok*, moriturus cecinit. Vid. Vormii *Littr. Run.* Append. Stroph 29. *A. Valur* quoque vox adhuc usu superstes *Valplads*, locus prælii, derivatur: *Hauell* & aula ejusdem originis esse videntur, adjecta tantum adspiratione. Quæ vocum Borealium cum Latinis affinitas non raro evidens est.

(3) Vid. Eddæ Fab. 35.

(4) Vid. Eddæ Fab. 24.

(5) Vid. *Heimskringla Ynglingasaga*. Cap 6.

§. 8.

Medio circiter, quod æram Christianam præcessit, seculo ⁽¹⁾ ex *Scythia Tanai* fluvio ad orientem confini, in boreales has terras cum suis immigrasse creditur *Odinus* ⁽²⁾. Hic belli pacisque artium peritissimus, prius horum locorum aborigines, non quidem

dem viribus & fortitudine, sed præstigiis & calliditate inferiores, (1) adeo obstupescit, ut integrum Septentrionem opinione citius sibi suisque redderet obnoxium. Maximum quidem novis hisce advenis negotium facessivisse videtur gens Iötunorum (4), quam tamen vel matrimoniorum affinitate sibi conciliavit (5), vel vi dolisque paulatim exterminavit tum ipse cum sociis *Odinus*, cum potita rerum *Odini* posteritas. Cum igitur nova religio, novæ leges, - mores & lingua cum novo imperio indigenis obtruderentur & invalescerent, obsolevere priora & cum gente gentis memoria sensim periit. Id enim remis ventisque petiisse videtur solertissimus fallendi artifex *Odinus*, ut omnem priorum temporum historiam penitus obliteraret, quo se suosque magis venerarentur posterii (6).

(1) Vid. Chronologiam Sturlæsonii *Heimskringlæ* Ed. Hafn. 1777 præmissam.

(2) Vid. Sturlæsonii *Ynglingasaga* Cap. 2.

(3) Vid. eundem librum Cap. 5.

(4) *Iötu-*

(4) *Iötunorum* cum *Afæorum Thoro* conflictus varios narrat *Edda Snorronis*. Gentis id olim nomen fuisse, vel *Iötunheimur* i. e. terra Iötunorum, indicat. Eliminata vero *Afæorum* artibus & potentia, vel deleta hac gente, Iötuni *coepti* sunt appellari, quicunque vel ad prisicos *Iötunos* genus referebant, vel gigantea membrorum mole & viribus iis similes erant. Sic *Starcatherum Iötun* appellat *Edda* Fab. 54. De horum vero & cæterorum, qui Septentrionem tunc incoluere, populorum *Odino* antiquiorum moribus, nominibus & sedibus si quis plura desiderat, legat Viri de historia patria meritiissimi Illustr. Gerh. Schönningii Historiam Regni Norvegici ed. Soræ 1771. Cap. 1.

(5) Sturlæf. Ynglingafaga cap. 5.

(6) Vid. Torfæi Seriem Regum [Daniæ Libr. 2. cap. 4. & Schönningii Libr. citatum cap. 2. §. 2.

§. 9.

Hæc est ratio, cur antiquissima Septentrionis, *Daniæ* scilicet *Norvegiæ* & *Sveciæ* historia *Odini* ætatem vix transcendat. Si enim pauca, eaqve nuda plerumque nomina, vel in *Eddis*, vel alibi fortè obvia exceperis,

peris, reliqua omnia *Afæorum* has in terras adventu juniora reperiuntur ⁽¹⁾. Ut ad *Odini* tempora, nativitate Servatoris non longe superiora omnis ferè borealis historiæ initium referri soleat & possit ⁽²⁾.

- (1) In historia regni Sveciæ Edit. Holm. 1769. Vid. Introduct. §. 14. Illustr. Lagerbring, vir acris judicii, & veritatis historicæ festivus amator, *Fiorniotum*, ejusque ad *Gylfium* usque posteros, quorum libellus, *Fundenn Noregur*, meminit, *Odino* adeo antiquiores statuit, ut *Karium Fornioti* filium *Odino*, quem huc migrasse anno ante Ch. N. 65. scribit, Libr. citato p. 1. cap. 2. §. 6., tribus ferè seculis anteriorem faciat. Illustris vero *Schönningius* in laud. hist. Nor. cap. 2. §. 15. *Halogium Fornioti* filium ejusque fratres ad *Odini* tempora deprimit, & in tabula genealogica & chronologica, historiæ citatæ annexa, annum a. N. Ch. 72 prædicto *Kario Fornioti* filio assignat. Tantum hos inter duumviros dissensum cum nostrum non sit componere, hæc tantum notavimus, ut priorum *Odino* temporum eas esse tenebras pateret, quæ vel summa & sagacissima historicorum industria discuti nequeant.

(2) Inter

- (2) Inter Scriptores Rerum Danicarum Medii Ævi, quos Hafniæ 1772 seq. edidit Vir ad decus & conservationem literaturæ borealis natus *Jacobus Langebeck*, auctor fragmenti veteris Islandici, vid. Tom. 2. pag. 25. de Odino pag. 34. tradit sequentia: " Origines omnium histori-
 " arum in lingua Septentrionali earum, quæ
 " veritatem sequuntur, incipiunt, cum Turcæ
 " & Afiani Aquilonem inhabitabant. Vere er-
 " go dicitur, linguam cum iis in Septentrio-
 " nem venisse, quam Norrænu vocamus, &
 " vixit ea lingua in *Saxonia, Dania & Sve-*
 " *cia, Norvegia*, & parte aliqua *Angliæ*. Prin-
 " ceps hujus populi erat *Odinus Thori* filius,
 " qui multos filios habuit. Ad *Odinum* multi
 " genealogiam suam ducunt." — Iisdem fere
 verbis huic adstipulatur *Rimbegla*, ut & *Stur-*
laugi Laboriosi historia cap. 1. Vid. *Thorfæi*
 Ser. Reg. Dan. Libr. 2. cap. 4. Nec non
 prologus *Eddæ* cap. 3. Eorum vero, qui hi-
 storiam borealem, vel ad *Noathi* nepotem *Ma-*
gogum, vel ad *Sarugum patriarcham*, vel ad
 ipsum *Adamum* elevant, commenta dudum
 explosa hic excutere non vacat.

§. 10.

Inter *Odini* inventa, quibus posterorum memoriae consuluit, principem locum mereatur poësis, cui, quantumque nobis superest, mille circiter annorum notitia fere soli debetur ⁽¹⁾. Quemadmodum enim artis hujus auctorem veteres, & vivum adorarunt, & mortuum divinis maſtarunt honoribus, ita cum nova religione, lingua & imperio ⁽²⁾ tantus repente exarſit poëſeos amor honorumque, ut ipſi reges, regumque uxores & liberi his ſacris operarentur ⁽³⁾; & quo quisque rerum geſtarum gloria magis inclytus, eo præſtantior quoque poëta fuerit, dicique poſſit, heroicis hiſce temporibus, poëſis bellicæ fortitudinis comes indexque fuiſſe.

- (1) communi fere doctorem conſenſu creditur Odinus, ultimum autem & Uppſalienſem intelligo, proximo a. Ch. N. ſeculo in Septentrionem veniſſe. Dania vero & Norvegia decimo p. Chr. N. ſeculo ad fidem Chriſtianam converſæ ſunt; illa quidem imperante *Haraldo Blaataud*, circa medium, hæc regnante *Olo Tryggvino*, ultimis ſeculi Xmi anniſ. *Svecia* autem, ineunte ſeculo undecimo,

mo, rerum potiente *Olao Skotkonung*, sacris Christianis initiata est. Decem igitur circiter seculis viguit *Odiniana* superstitio, quo tempore poësis vel sola, vel præcipua borealis historiæ custos fuit.

- (2) Vid. *Langeb. Script. Medii Ævi* Tom. 2. p. 34.
- (3) Antiquissimi *Daniæ* reges, *Grammius*, ejusque sponsa *Groa*, Sigtrugi *Sveciæ* regis filia, *Hadingus*, cum uxore *Hartgrepa*, & filia *Svanhvita*, eximii poëtæ fuerunt, teste Saxone. *Ragnarum Lodbrok* cum uxore *Aslauga* filiisque omnibus vates fuisse, tum ipse Saxo, cum fragmentum *Islandicum* de regibus Dano-Norvegicis. Vid. *Langeb. Script. Rer. Dan. Med. Ævi*. Tom. 2. pag. 272. seq. satis testantur. Rex *Norvegiæ Haraldus* vulgò *Hardraade*, imperiosus dictus, quod ejus historia nondum impressa passim docet, poëta promptus & ingeniosus fuit; cujus de itinere ad *Pontum Euxinum*, & in *Africam* expeditione poematum vide *Barthol. Antiqv. Dan. Libr. I. cap. 10. pag. 155.* Idem quoque narrat *Snorraæsonii Heimskringla* in vita *Haraldi* Pulcricomi cap. 31. 32. de *Enaro Orcadum* Comite, *Rollonis* Pedestris, primi *Normandiæ Ducis* fratre.

§. II.

Ad decus splendorem & celebritatem aularum duplex hominum genus olim pertinuit, nec pluribus purpuratorum ordinibus prisca simplicitas indiguit. Unum *Athletarum* fuit, quos *Berferkos* dixere, alterum poetarum sive *Skaldorum* (¹). Illi viribus & vastitate corporum immanes, periculorum mortisque contemptu, nec non plus quam belluina in praeliis ferocia & rabie famosi, hostibus quidem formidati, pro sui vero principis salute devoti fuere; plurimumque in eorum virtute praesidii situm existimabatur (²). Hi autem rerum usu, consiliis & eloquio praestantissimi, imo sapientiae & rerum praeteritarum memoriae soli custodes & magistri habebantur. Horum erat notare mores & tempora, regum cupiditates & iracundiam moderari, majorum laudes praedicando ad antiquae virtutis amorem accendere juniores, suisque carminibus gesta regum & heroum sempiternae posterorum memoriae commendare (³). Quis igitur miretur reges antiquos, ut erant nominis & famae posthumae appetentissimi, plurimi fecisse

cisse *Skaldos*, eosque non intimæ solum ad-
missionis amicos, consiliorumque participes &
arbitros, sed individuos quoque comites, pro-
ximosque, ut in conviviis sessores, ita in
acie stipatores, & rerum gestarum testes ha-
buisset (4). Vetustissimis vero temporibus,
qui belli fulmina, vatum quoque iidem prin-
cipes fuere (5).

(1) Sicut artis poëticæ, ita *Berserorum* quoque or-
dinis *Odinum* auctorem facit *Sturlæsonius*; Vid.
Ynglingasaga cap. 6.

(2) *Berserkos Saxo Grammaticus* Hist. Dan. Libr. 7.
in vita Regis *Haldani*, vivis coloribus depingit.
Tales enim *Syvaldus* cum filiis, & cum sociis
Hartbenus fuit. Talis *Agantyr* cum fratribus,
quos a *Hialmare* & *Örvaroddo*, hujus historia
prostratos memorat, Tales & *Attilæ Svecor-
um*, & *Rolfoni Kraki*, celeberrimo *Danorum*
regi militabant. Tales *Haraldo Hildetand* &
Sigurdo Ring in pugna *Bravallensi*, teste Saxo-
ne, complures adfuerunt. *Berserkos* secum
habuit, eorumque fortitudini debuit *Haraldus*
Pulcricomus victoriam in prælio *Hafursfior-
densi* reportatam, qua totius tandem *Norvegiæ*
imperium adeptus est, Vide. *Heimskr.* Vit. *Har.*

Pulcriconi. cap. 9. 19. 29. & *Vatzdalasagam* nondum impressam. *Berferkorum* vero, cum creberrima in historiis sit mentio, plura exempla adferre non opus est.

- (3) Sic *Frothoni*, qui Saxoni tertius, non solum strenuam operam locavit, sed consiliis quoque & prudentia profuit *Ericus* poeta, disertus æque ac sapiens, ipseque non ita magnis in Norvegia natalibus ortus, *Sveciæ* Rex tandem evasit. Vid. Sax. Hist. Dan. Lib. V. Sic *Ingellum* Regem uxori gulæque emancipatum, & peregrinis deliciis diffuentem, solis carminibus ad frugem revocavit *Starcatheus*. Eodem teste Sax. Lib. VI. *Haraldi Pulchriconi* filium *Gudrodum* educavit *Thiodulfus* senior s. *Hvinensis*, poeta sui temporis facile princeps, cujus cantilenis *Sveciæ* & *Norvegiæ* historia antiquior magna ex parte debetur. Hunc vero *Gudrodum*, cum matris odio averfaretur *Haraldus*, patrem filio, quod frustra tentassent alii, prudentissimus vates conciliavit. Vid. *Heimskr.* in vita H. *Pulchric.* cap. 26. Nec minorî Regis *Haconis Adalsteni* Alumni gratia valuit *Evindus* vulgo *Skaldaspillir* dictus, quod caeteros suæ ætatis poetas sua claritate obscuraret. Cum enim prandenti Regi inopini hostium adventus ingratum nuntium deferre nemo sustineret, detrectantibus aliis detulit

tulit *Evindus*, nec offendit Regem. Vid. L. c. Vit. Hac. Boni. c. 28.

- (4) Quanti *Biarconem Rolfo, Starcatherum Frotho*, aliique Reges æstimarint, ex Sax. Historia discere licet. Poëtarum quoque cultor fuit magnus ille totius Norvegiæ primus domitor *Pulchricornus*, quo æqvius regum antiquorum fortior, sapientior, simulque foelicior fuerit, nescio; quippe cui, ut senex & incruenta morte obiret, quod successorum perpaucis, imo plus sesquiseculi decursu, si *Magnum Bonum*, qui tamen juvenis mortuus, exceperis, ad *Olaum* usque *Pacificum* nemini obtigit. Hunc vero *Skaldos* omnium aulicorum maxime honorasse, iisque primariam in conviviis, solioque Regis ex adverso sitam sedem assignasse *Egla* sive *Egillæ Skallagrimi* vita testatur; Quæ historia septentrionis sui temporis speculum dici meretur, hætenus quidem inedita, sed propediem, ut speramus, auspiciis Viri magni, quem historiæ borealium antiquioris Jovem quasi Statorem merito dixeris, in lucem proditura. In prælio *Sticklastadensi*, quod sancto Regi fatale fuit, intra clipeatam triariorum coronam, antiquis *Skialdborg*, cujus fidei & virtuti Regis vita salusque in acie tuenda committi solebat, poëtas consistere jussit *Olaus Harald* filius, ut rerum

gestarum carminibus olim celebrandarum fidem propriis oculis deberent. Quem porro in hujus Regis amicitia gradum *Sighvatus*, & in *Haraldi Imperiosi Thiodulfus* junior, poëtae tenuerint, utriusque Regis historiæ passim docent.

- (5) *Biarconis*, *Hialtonis*, *Starcatheri*, *Örvaroddi*, *Hialmaris*, *Sigurdi Fafnericidæ*, & innumera alia monstrant exempla priscos heroas, *Alcæi* more, feroces bello, tamen inter arma cecinisse.

§. 12.

Victura per ævum & ære perenniora vatum fore carmina, maximeque in utramque partem sive ad laudem, sive ad vituperationem posse poëtas cum veteres putarent, quo propriæ laudis & existimationis erant studiosiores, eo poëtas offendere magis metuebant, eosdem vero quibuscunque modis sibi devinctos reddere satagebant, ⁽¹⁾. Quemadmodum igitur vatum opprobriis nulla res acrius pupugit, & hæc ignominia auctoris plerumque morte, si res ita ferret, vindicari solebat ⁽²⁾; Ita laudibus
poëta-

poëtarum adeo delectabantur ⁽³⁾, ut easdem nunc gravissimarum offensus venia ⁽⁴⁾, nunc amicitia sua, nihil autem gratia principis carius antiquis fuit, nunc largissimis præmiis & donariis reges remunerarentur, ⁽⁵⁾. Horum itaque favorem, & liberalitatem toties experti poëtæ, tanto eos amore prosecuti sunt, ut illis commori quam superesse præoptarent; quodsi non contigerit, perpetuo, quo mortem Principis, modo non daretur ulcisci, saltem solabantur, dolore cantabuerant ⁽⁶⁾.

- (1) Non hoc equidem Borealibus peculiare fuit. Vatum enim apud Reges & principes honor antiquissimus est, & nulli fere gentium non communis. Vel pueris notissimum, quanti *Homerum Alexander, Ennium Scipio, Horatium & Virgilium fecerit Augustus*. Horum enim carminibus fore, ut a sera quoque posteritate celebrarentur, augurio haud vano præfagiebant Principum prudentiores. Sed ut ad Septentrionales revertar, quam noluerint veteres ignominiosis vatum carminibus prosciindi, quod monstret, exemplum nobis suppeditat Regis *Haraldi Imperiosi* historia. Tributum forte,

Præfectis Regiis, quorum unus erat, dandum attulerat *Enarus* quidam, cognomine *Fluga*, magnæ vir dignationis, & gratia tunc Regis florens, sed adeo vehemens & injustus, ut cum multos levibus de causis occidisset, nullius tamen cædem, pecunia vellet rependere. Hic convivanti Regi nautas quosdam, illiciti cum *Finnis* commercii suspectos, a se interfectos nunciavit. Audiit narrantem *Hallius* Poeta, qui cum commilitone, positis utrinque pignoribus, per jocum pactus fuerat, se *Enaro* quantumvis feroci, & indebitam sibi pecuniam extorturum. Nec mora, assidentem Regi *Enarum* accessit, propinquum suum ab eo occisum asseverans postulavit cædis, & ut sibi, quæ vindici sanguinis deberetur, pecuniæ multa ex æquo satisfaceret, rogavit. Interpellantem iratus repulit *Enarus*, sui moris non esse dicens pro cædibus nummos dispendere; *Hallioque* idem semel iterumque occinenti, ni desisteret, mortem insuper intentavit. Tandem poeta, hanc se injuriam, mitioribus frustra tentatis, probroso carmine ulturum haud obscure minitatus, contumaciam hominis adeo fregit, ut pecuniam, svasu Regis invitus erogare, quam Hipponæteo felle perfundi mallet.

- (2) Contumeliosis Islandorum carminibus adeo excanduit *Haraldus Gormonis* filius vulgo *Blaa-tand*, ut expeditionem in *Islandiam* meditaretur, sed metu maris, longis navibus impervii, & geniorum terræ tutelarium dicitur absterritus, vid. *Knyttl. S.* cap. 111. Hujus *Islandorum* in Regem odii causam affert *Snorraſonii Heimskr.* in vita *Ol. Trygg.* cap. 36. seq. — *Stefnerem* in *Dania* occidi fecerat *Sigvaldus Jomsvicenſum Dux*, ob paucos, quibus se notari credidit, versiculos. vid. *Kriſtniſaga.* edit. *Hafn.* & *Ol. Trygg.* Historia ed. *Skal.* P. II. p. 308. Ob famosum carmen *Thorvallus Codranis filius*, qui unum cum Episcopo Germano nomine *Friderico* religionem Christianam Islandis primus annunciavit, duos in *Islandia*, & unum, in *Norvegia* interfecit, vid. *Kriſtniſſ.* c. 4. Eandem quoque ob causam *Thangbrandus* ab *Olaſo Tryggvino* in *Islandiam* miſſus *Veturlidum* poetam, & *Thorvaldium Veilium* occidit. Vid. l. c. c. 8. conf. *Ol. Trygg.* vit. P. II. c. 118. & *Nidlam* edit. *Hafn.* cap. 103. Ejusmodi quoque famosos versus in *Nialem* & filios fecerat *Sigmundus* quidem, ab iisdem idcirco occiſus. Vid. *Niala* c. 44. 45. Quin & ipſæ leges antiquæ famosi Carminis auctores exilii poena plectendos ſtatuerent. Inſtar omnium ſit Capitulare circa ann. 744. in

Corpore Juris Germ. Antiq. Edit. Georgisch. p. 496. ubi: *Qui in blasphemiam alterius cantica composuerit, vel qui ea cantaverit, extra ordinem judicetur, nam lex hujusmodi præcipit exiliari.* *Vigslode*, s. *Jus Islandorum Criminale*: cap. 112. confr. *I. Gulathing. Tit. Juris person. & Juris Island. Tit. eund. §. de Carminibus.* Qvis pro circumstantiis statuendam in reos poenam esse jubet *Magnus LL. Emendator.*

- (3) Non Deos solum, Reges & heroes viventes, sed mortuorum quoque manes, quin & locorum genios, suis laudibus oblectari credidit antiquitas. — Docet hoc exemplum *Thorleivi Jarlorum Poëtæ.* vid. *Ol. Trygg. Hist. P. I. c. 173.* *Vatnari Regis* ejusque posterorum *Snialli & Hialli*, vid. *Landn. S. Ed. Hafn. pag. 386. 387. 388. conf. ill. Sköningii Hist. Norv. P. I. cap. 5. §. 9.* Qui locus quoque monstrat historiæ antiquioris cognitionem, apud poëtarum familiam quærendam fuisse. *Thorvaldi* cujusdam cognomine *Hölbarki* meminit *Landn. S. P. III. c. 10.* Qui carmen de genio quodam faxicola, quem *Surtum* nominat, composuit, ipsique in antro, quod inhabitare credebatur, præsens recitavit.

- (4) Vitam ab infensissimo sibi Rege *Erico Blodöxio* redemit *Egillus Skallagrími* filius artificioſo poemate, quod *Höfudlausn Egills* inde dicitur. Eodemque nomine inſignit *Knytlínga* ſaga carmen illud, quo *Canuti Magni* conceptam in ſe iram placavit *Thorarínus Loftunga*, Encomiaſtes dictus. Carminibus inſignis poeta *Hallfredus Vandrædaskald* Regis *Olai Tryggvini* animum ſubinde abalienatum ſibi conciliavit. vid. Vit. *Ol. Trygg.* cap. 2. pag. 109. 110. 131. 132. Eodemque modo homicidii culpam expiavit idem *Hallfredus*, ab *Erico* Comite morti deſtinatus, vid. Lib. cit. App. p. 20. Extemporali carmine vitæ periculum evaſit *Hallius* poëta, cum Regem *Haraldum Haardraade* graviter offendiſſet.
- (5) Regum & Principum in poetas liberalitatis documenta, monumentorum hiſtoricorum omnis fere pagina teſtatur, in re igitur adeo cognita, unum alterumque exemplum attuliſſe ſuffecerit. A *Canuto* Magno prædicti carminis præmium accepit *Thorarínus* 50 marcas argenti puri, vid. *Knytl. S.* c. 19. Nec minus munificum *Canuti Magni* patrem *Svenonem Tiugeſkegg* expertus eſt *Thorleivus Jarlorum* poeta prætiſo non tantum annulo aureo gladioque, ſed & navi mercibus & nautis inſtructa

instrueta donatus. vid. *Ol. Trygg. Hist. P. I. c. 169. 171.* Cum in *Fyrisvallis* fratrem *Styrbiörnnonem* vicisset *Ericus Victoriosus* Rex *Sveciæ*, Poetam anqvifivit, qvi hanc victoriam carmine celebraret, *Thorvaldumque Hialtafonium* pro singulis versibus semi-marcae annulo impertivit. *Styrb. Hist. cum Arii Schedis Oxonii* edit. pag. 117. 118. Aureum etiam annullum *Thorgilso* cuidam dedit *Haraldus Hardraade*, cum qvo alternis versibus aliquamdiu contenderat. Dixeris antiquorum in remunerandis poetis liberalitatem æmulatos *Venetos*, qvi *Actio Sannazario* pro singulis in Venetias epigrammatis versibus centum aureos dedere. Celeberrima quoque *Ludovici XIV. Galliæ* Regis munificentia, qvi circiter 20000 imperialibus donavit *Vitum Beringium Danum* Authorem distichi sequentis:

*Par urbi domus est, urbs orbi, neutra
triumphis*

Et belli & pacis par, Ludovice tuis.

Vid. *El. Casp. Reichards. Anmerkungen zu Lud. Holbergs moralische Gedanken* Leipz. 1754. p. 575.

- (6) Adeo miserrimam *Frothonianæ* cladis imaginem alte pectori insertam gerebat *Starcatherus*,
ut

ut ab intimo præcordiorum ejus secessu clarissimi ducis respectus convelli nequiret: verba sunt Saxonis Hist. Dan. Libr. VI. Ad *Svoldensis* prælii nuntium, velut fulmine ictus obstupuit *Hallfredus* poëta, casumqve dilectissimi Regis, quem etiam ulcisci temere decreverat, nunquam dedoluit. vid. Ol. Tryggv. Hist. P. II. c. 99. & App. p. 19. Regi suo *Olao* Sancto, ejus historia teste, adeo devotus erat *Thormodus* poëta, *Kolbrunar Skald* dictus, ut ipsi superstes esse noluerit. Exitum enim prælii & regis obitum ominatus, priusquam colliderentur acies, optasse dicitur, ut sibi liceret eodem cum rege loco, noctem transigere; quippe sancti regis meritis & precibus vel coelum sibi concessum iri credidit vir catholicæ religionis dogmatibus imbutus. Nec perfidum dixit sacramentum; nam non modo fortissime, & quæ certa mori virtus solet, audacia dimicavit, sed cæso rege, cum cæteris evadendi consilium dedisset, ipse per infesta loca obambulans occiforem tamdiu quæsit, donec letiferum sagittæ ictum, non secus ac voti compos, lætus exciperet.

§. 13.

Pro rerum canendarum conditione diversa, varia quoque fuerunt veterum poëmata.

Ve-

Verum ut, gratissimum olim & maxime solenne, ita propter usum historicum *Heroicum* illud, sive laudatorum genus præcipuum dici debet. Nec tamen una fuit carminis laudatorii species: Nunc enim propria facinora, vel in ipso mortis agone constituti cecinere vates⁽¹⁾; nunc alios laudabant. Si mortuis carmine parentarent, *Epicedia*⁽²⁾; Si vero unam alteramve victoriam celebrarent, *Epinicia* vocari possunt eorum carmina⁽³⁾. Ea porro, quæ in viventium gratiam pepigere, nunc vitam vel illustriora saltem gesta principis aut viri cujusdam continebant⁽⁴⁾, nunc majorum quoque laudibus admistis, longam subinde prosapiæ seriem contexuerunt, unde *Genealogica* carmina dici merentur⁽⁵⁾.

- (1) Præter *Staræatherum*, *Ragnarum*, *Lodbroch*, *Haralldum* imperiosum, vid. §. 10. res proprias carmine complexus est *Örvaroddus*, qui morfu vipereo intumescens & morti vicinus, unam militum partem versus, quibus gesta sua inclusit, ediscere, alteram rogum sibi struere jussit. Vid. Schönning. Hist. Norv. pag. 481 482. Idem quoque refert *Ormi Storolfsjóni* Historia de *Asbiörno* quodam Dano, qui inter letales cruciatus de rebus suis cecinit. vid. Ol. Trygg. Hist.

Hist. App. p. 13. 14. Cæterum singulos fere conflictus & facinora carminibus illustrare solebant antiqui pugiles, quod *Thordi Hræda, Gretteris*, de quibus ipsorum historia consuli potest, ut & *Hásteini*, vid. Landn. S. P. II. c. 33. exempla monstrant,

- (2) Mortuum *Haconem Adalsteni Alumnus* carmine supra memorato *Hakonarmaal*, laudavit *Evinus Skáldaspillir*. vid. Heimskr. Vit. Hac. Boni c. 33. *Haraldi Gráfeldi* Norvegiæ regis mortem *Glumus Geirifilius*, carmine, quod *Gráfeldar drápa* dicitur cecinit; vid. Libr. cit. in Vita *Ol. Tryggv.* c. 13. Ad Epicedia veterum idgenus poemata referenda sunt, quæ de mortuis amicis & cognatis, non tam honoris, quam amoris ergo composuere, *Erfisdrapur*, vel *Erfis Quædi* olim dicta, quod tamen generale epicediorum nomen fuisse non videtur. Ejusmodi nœniam filio *Bödvaro*, dixit *Egillus Skallagrími* filius, teste ejusdem *Egilli* historia.
- (3) *Erici* Victoriosi de fratre *Styrblornone* victoriam cecinit *Thorvaldus Hialtasónius* vid. §. 12. Epinicius, quo *Haraldi* Imperiosi de *Svenone Ulssonio*, vulgo *Esþridsen*, Daniæ Rege in prælio *Nizensi*, victoriam celebravit *Steno Herðisæ* filius, *Nizarvisur* vocat *Knytlínga* S. c. 25.

- (4) De expeditione *Anglicana Canuti Magni* carmen *Knutsdrápa* composuit *Ottarus Niger*, vid. Knytl. S. cap. 8. seqq. *Magni Boni Arnorus Comitum Poëta*, *Svenonis* vero *Ulfsonii* res gestas *Thorleikus Pulcher* cecinit, Lib. cit. cap. 22. *Erici Boni* vitam *Cnutidarum* historiæ auctor ex *Marci Skeggonidis* de eodem Rege poëmate, quod *Eriksdrápa* vocatur. l. c. Cap. 70 seq. exscripsisse videtur. *Gesta Har. Pulchric. Glym drápa Thorbiörni Hornklofi*; *Haconis Boni, Haconardrápa Guttormi Sindri*; *Haconis Hladarum Jarli, Vellekla Enari Skalaglam*; *Erici Haconidis* Comitibus; *Eriksdrápa Thordis Kolbeni filii*, persequitur. Horum & aliorum carminibus, vel ipso fatente *Sturlæsonio* niti-
tur Historia Borealis antiquior.
- (5) Regum olim & heroum stemmata, metris includere perantiqui in septentrione moris fuisse, sola arguit cantilena *Hindloliód*, quæ odarum *Sæmundanarum* una est; in hoc enim *Ottari Stulti* familia a *Diis* inde & *Jotunis* deducta recensetur. vid. *Torf. Ser. Dan. Lib. 3. c. 4.* Ut vero ab Eddicis fabulis, quas tamen indu-
bias rituum antiquorum testes & indices existimo, discedam, geminas, easque nobilissimas *genealogicæ poëseos* reliquias nobis conservavit *Sturlæsonius*: fragmenta nempe carminum

Ing.

Ynglingatal & *Háleygiatal*, quorum illud auctorem habet *Thioanlfum Hvínensem*, qui vergente seculo IX. & ineunte X, sub *Rögnvaldo Herdomhærre*, *Haldano Nigro* & *Haraldo Pulchricomo Norvegiæ* Regibus floruit. Continentur hoc carmine, non modo catalogus, sed gesta & fata singulorum Regum ab *Odino* ad *Haralldum* usque *Pulchritomum*, qui ab *Odino* per *Olaum Lignatorem* descendit. Hujus poematis fidem secutus integram *Ynglingorum* historiam adornavit *Snorro*; adeo ut antiquissima regni *Sveciæ* historia ab *Odino* ad *Ivarum Vidfadmium*, huic *Thiodolfo*, ejusque interpreti *Sturlæsonio* debeatur. Carmen vero *Háleygiatal* in gratiam *Haconis Hlada Jarli* composuit *Evindus Skáldaspillir*, qui *Hacone Bono*, *Blodöxii* filiis & *Hacone Hlada Jarlo* imperantibus claruit; certe quod anno Chr. CMXLIV, quo cum piratis *Julínenfibus* prælio navali conflixit *Hacon*, superstes fuerit, patet ex *Helmskr.* vit. *Ol. Trygg.* c. 43. Pauca tantum hujus carminis fragmenta nobis reliqua sunt, quæ de gestis *Haconis Hlada Jarli*, ejusque patris cæde agunt; quod vero *Thiodolfi* exemplum imitatus, regium & perantiquum *Hálogensum* stemma, unde dictus *Hacon Jarl* oriundus, recensuerit, titulus indicat poematis. vid: ill.

Skiöning. Hist. Norv. c. 2. §. 13. Videtur quoque *Knútsdrápa*, quam *Sighvatus* poëta, qui sub *Canuto Magno*, *Olao Sto*, *Magno Bono* Regibus floruit, in *Canuti Magni* gratiam concinnavit; cujus frustula per *Knytlunga Sagam* & *Heimskringlam* sparsa leguntur, non tantum *Canutum* M., sed & antiquiores Daniæ Reges celebrasse; quod *Lodbrochidarum* meminerit, docet fragmentum *Historicum* de *Regibus Dano-Norvegicis*. Vid. *Langeb. Script. Rer. Dan. M. Æ. Tom. II. pag. 279.*

§. 14.

Est & aliud poëseos antiquæ genus, quod, quoniam tradendis ad religionem & mores pertinentibus rebus occupatur, *Didacticum* vocare liceat. Ejusmodi vero carmina vel morum & prudentiæ regulas inculcant; vel corruptas antiquissimæ historiæ, theologiæ, philosophiæ reliquias, fabularum involucris occulunt. Illud poëseos genus *Ethicum*, hoc *Mythologicum* dixeris.

Horum tota spectat Odarum Eddicarum congeries, quas inter cantilenæ, vulgo *Háva mál*

mál pars prior haud spernenda morum præcepta complectitur; cæteræ, ut *Völuspá*, *Alvis-mál*, *Grimnis-mál*, *Vastrudnis-mál*, *Fiölsvins-mál*, Theogoniam, Cosmogoniam & Physicam, historia majorum admistam exponunt. Deorum res gestas narrant *Skirnisför*, *Harbards-liód*, *Hymis-quida*, *Thryms quida*, *Vegtams-quida*: Reliquæ vel ænigmata, ut *Getspeki Heidrecs*; vel magiam, runas, & incantationes continent, ut *Gróugaldr*, *Brynhildar-quida* & supra memoratæ *Skirnisför* pars quædam, ut & odæ *Hávamál* pars posterior, quæ alias *Rúnacapitule* dicitur: vel *Niflungorum*, *Volsungorum*, *Giukungorum* & aliorum res gestas, figmentis adulteratas exponunt. Cannilena vero *Sólar liód* spuria & cæteris multo recentior videtur. Eddica hæc monumenta doctissimorum virorum ingenia jam dudum excuerunt. Ego quidem, quæ his continentur, quædam esse *Upsalensis Odini* commenta & vafra fragmenta; nonnullas quoque vetustissimæ *Schyttarum* Theologiæ & Philosophiæ reliquias; quasdam vero *Bardicarum* cantilenarum lacinias & fragmenta crediderim, quæ cum peregre literis operaretur *Samundus*, in *Gallia* vel *Germania* conquisivisse videtur.

Quemadmodum vero *Scæmundianæ* collectionis bonam partem jam periisse reor, ita plurimos ejusmodi cantus *Saxoni*, cum historiam *Danicam* scriberet, ad manus fuisse non dubito, unde cum ipsa, quæ intermiscuit carmina, tum narrationes, quarum apud alios vel pauca vel nulla supersunt vestigia, fabulis interdum, quod carminis indolem sapit, quam historiæ similiores mutuatus est. vid. Præf. *Edd. Resen.*

§. 15.

Nec veteribus foeminei amoris conciliatrix musa defuit; amatorii enim carminis, quo suos ignes cecinere, haud infrequens in historiis est mentio⁽¹⁾. Verum id quoque artis poëticæ munus & indicium putabatur, posse, sicubi libuerit, ignominiosâ carminum mordacitate inimicos ulcisci & castigare⁽²⁾. Solebant porro veteres, non cantare modo, sed & respondere parati, quo promptitudinem ingenii & venæ poëticæ ubertatem ostenderent, alternis versibus contendere; quo in certamine palmam æmulo præripuisse non minimæ laudi ducebatur⁽³⁾. Unde tria poëscos genera majoribus nostris cultissima emergunt;

gunt; nempe *Eroticum*, *Famosum*, & *Amoebæum*.

- (I) Erotopægnia veterum *Manfaungr* vel *Manfaungrsvifur* olim dicta sunt; quæ vox a *Man* virgo poetice, & *Saungr* cantus, composita est. Inter artes suas numerat *Odinus* in Oda *Hávamál*, quod carminibus animum sceminæ ita fascinare noverit, ut duraturo quoque amore in se tota propendat:

Það kann ek id XVIða
Ef ek vil ins fvinna Mans
Hafa ged alt oc gaman
hugi ek hverfe
hvítarmri kono
oc sny ek hennar
aullum sefa.

Það kann ek id XVIIða
at mic man feint firraz
ed man vinga mann
Lióða þessa munþu Lodfabnir
lenge vanr vera
þo se þer god ef þu getr.

þaurf ef þu þiggr

nyt ef þu nemr.

3: *XVI* Istam hanc artem calleo; quod si ingenuæ virginis meum esse voluero favorem integrum & familiaritatem, animum muto brachia candidæ sæminæ, ejusque mentem penitus inverte.

Id novi XVII Idem; quod me sero resiliura sit amica mulier. Hæc te, Lodfabnere, carmina diu fugient, ut ut memoranti bona, proficua recipienti, & discenti tibi utilia sint.

Miror Eddam Resenianam, *Lióða vanur*, reddere carminum peritum; mihi *vaur* hic *carentem* significat; quemadmodum in *Locasenna*; *Jós oc armbauga vanr*, equo armillisque carens, & *Tyr se handar vanr*, 3: altera manu mutilum, sive unimanum fatetur, quippe cui manum *Fenrir* præmorderat; sed hæc in transitu. Aulicus Olai Sancti, poëta *Thormodus Kolbrunar Skáld*, 3: *Kolbrunæ* poëta cognominatus est, quod olim in *Kolbrunæ* cujusdam gratiam carmina cecinisset. De *Ingolfo Thorsteni* filio, habet *Vazdæla*: let *Ingolfr þa af quomum*, enn orti mansaungs visur no-
ekurar um *Valgerdi*, oc quad *sidan* 3: *Venti-*
tare

tare tum quidem desit Ingolfus, sed amatoria quædam de Valgerde carmina a se composita palam recitavit. confer. Ol. Tryggv. Hist. P. II. p. 82. De Egillo Skallagrími filio idem refert Egla cap. 56. *Arinbiörn spurdi, hver kona su veri, er hann orti mansaung um. 3: Interrogavit Arinbiornus, quænam esset fæmina, cui carmen amatorium pangeret.* Gustus ergo ex *Viglundi Pulcri* Historia. Edit. Hol. p. 28. *Erotopægnium dabo, cui casta venus & is lepor inesse videtur, qui Nasonianæ & Tibullianæ musæ parum aut nihil concedat.*

Mær nem þu mínar vísur
munnfögr ef þú vilt kunna
þær muno þer at gamni
þorngrund verda stundum
ef yturum verdur uti
eigendur litin Freya
þá munþu mannin mióa
minnaz hverio finni.

3: *Oris virgo pulcelli versus disce meos, si meminisse velis; hi tibi, foemina, tædia fallent, si diutius aberit amafius, formosique juvenis te identidem commonescient.*

* Stóðum við tvö í túni
 tók hlín um mik finum
 höndum hárlikt kvendi
 hárfögur og gret sáran
 ríðom fell tár af tróðu
 tillegir hugrinn vilja
 strauk drífhvítum dúki
 drós um hvarmin líófa.

* Absenti porro hæc:

o: *Una stetimus ambo herba super viridi, cum
 me pulchra comas & hilare tuens foemina mani-
 bus suis ambiens flevit amarum; lacrymasque cre-
 bro deciduas, (prodit enim voluntatem animus,) nive
 candidiori linteolo nitentibus absterfit ocellis.*

(2) Ignominiosa carmina veteres *Níð* vocarunt.
 Horum sibi facultatem esse in carmine Eddico
Locasenna, quo singulos Deorum apud *Æge-
 rum* convivantes, convitiis impetit, gloriatur
*Loki*us:

Veitþu þat Eldir
 ef við einir skolom
 sáryrdom facaz
 Audigr verða

man ek i andsvörom
 ef þu mælis til mart.

3: *Nosti, Eldir, si dicteris mordacibus invicem certabimus, non mihi desore respondendi copiam, si tu garrulus lacessiveris.*

Tali maledicendi & altercandi certamine *Eri-
 cus* & *Grep*, mox *Götvara* & *Ericus* inter se
 ita committuntur, ut utrobique non sine laude
 superior evaserit *Ericus*, apud *Saxonem*. Hist.
 Dan. Libr. V. A mordacitate carminum *Au-
 dunus*, quem *Haraldus Pulchriconus* maximi
 fecit, *Illskiælda* 3: poëta maledicus cognomina-
 tus est. De *Hallfredo Vandræðaskáld* refert *Ol.
 Tryggv.* Historia P. II. p. 81. *Hallfredur*
 var skáld gott thegar á unga aldri, oc allníd-
 skárr "3: *Poëtam adolescens quoque egit Hall-
 fredus, felicem quidem, sed justo procacior.*"
 De his vero supra §. 12. egimus.

- (3) Alternis versibus contendere, a remotissimis in-
 de temporibus moris fuisse poëtis, *Edda Sæ-
 mundiana* satis ostendit, cujus pleraque carmina
 nihil aliud sunt, quam metrici Deorum & alio-
 rum dialogi. Colloqvii poëtici *Erici* cum *Oli-
 maro* meminit Saxo Hist. Dan. Libr. V. Si-
 mile quoque reciprocati inter *Reginum*, *Hnika-*

rem & Sigurdum Fabnericidam, nec non inter *Brynhildam* mortuam & *nympham montanam*, cujus sedes prætervehebatur, carminis exemplum *Nornagesti* historia suppeditat, ubi *Brynhilda & nympa at liódaz á 3: per carmina colloqui* dicuntur, vid. Ol. Trygg. Hist. P. II. p. 138. 189. & 142. 143. conf. Edd. Sæm. Hæc vero res in historiis notissima pluribus non indiget exemplis.

§. 16.

Ad ultimum poëseos veteris genus nunc progredimur. Sicut vero in oriente, in ipsa Græcia, Italia, & nescio ubi non magicis olim operationibus adhibita fuit poësis (¹), ita nullibi major, quam in septentrione præstantissimæ hujus artis abusus adeo invaluit, ut ipsi Dii venefici (²), ipsa quoque Edda religionis & poëseos borealis magistra, qualis nunc est, quid si tota superesset, numerari possit inter libros carminum valentium refixa coelo devocare sidera. Magicæ vero poëseos cum plura fuerint genera, nos tantum tria dabimus, vel præcipua, vel quorsum cætera referri queant. Ejusmodi
igitur

igitur carmina, quibus aut loq̄uebantur, aut ad loq̄vendum sollicitabantur mortuorum manes, *Necromantica* ⁽³⁾; quibus Deorum, geniorum vel fagarum responsa & vaticinia dabantur, *Divinatoria* ⁽⁴⁾; quibus denique diræ in alios canebantur, *Imprecatoria* ⁽⁵⁾ nominare fas esto.

- (1) Fraudulentissimam artium magiam in toto terrarum orbe plurimum valuisse, — & possessis hominum sensibus triplici vinculo in tantum adolevisse, ut hodieque etiam in magna parte gentium prævaleat, & in Oriente regum regibus imperet, pro suo tempore scripsit Plinius L. 30. c. 1. & alibi. Huic vero comitem & ministrum fuisse poësin, præter innumera auctorum testimonia, vel ipsa nomina docent. Quemadmodum enim veneficia Romani *carmina*, *incantamenta*, Græci *ἐπασμῶνα*, *ἐπωδᾶς*, & oracula *ἐπη*, ο: *carmina*; ita Boreales *galdra*, *incantationes*, ab *eg gel*, quod verbum, nunc de gallicinio tantum adhibetur, vocarunt; unde *galin* Dan. *gal* demens, vel cui carmina mentem moverunt, derivatur.

- (2) Artis magicæ peritiā sibi vindicat *Odinus* in ea parte carminis *Hávamál*, quæ *Rúna-Capituli* dicitur, quam-

quamvis incantatoria quædam carmina, quæ *Fim-bulliód* vocat, se ab alio didicisse, stroph. 3. haud obscure fateatur. Incantamentorum quoque inventionem *Odino* & *Asæis* tribuit *Sturlæ-sonius* in *Heimskr. Ynglinga* S. C. VII, ubi de *Odino* sequentia: "Omnes (vero) has artes, (magicas puta, quas ante recensuit) tradidit aliis ope Runarum carminumque, quæ *Galdrar* vocantur; quocirca vocati sunt *Asæ Galdra-Smider*, (carminum magicorum artifices.)"

- (3) Necromantica quoque artis peritum se jactat *Odinus* in *Runa Cap.* Stroph. 20.

Þat kan ek id tólfta
 ef ek se á tre uppi
 vafa virgil ná
 fva ek rift
 oc i rúnom fæe
 at fá gengr gumi
 oc mælis vit mik.

æ: Id novi duodecimum, quodsi videro per
 summa arboris volitare umbram demortui, inci-
 sos ramiis characteres ita adrado, ut accedens lar-
 va mecum loquatur. Insanientem hanc scien-
 tiam *Odinum* & *Asæos* exercuisse scribit quoque
Stur-

Sturlæsonius Libr. & cap. citt. "Odino cog-
 "niti erant thesauri omnes ubicunque in terra
 "conditi, eaque carmina calluit, quorum virtute
 "sibi rupes, saxa & tumuli recludebantur; ho-
 "rum incolas solis verbis ligavit, & ingressus,
 "quæcunque voluit, abstulit. Et paulo supe-
 "rius: Non nunquam mortuos ex sepulcris ex-
 "civit (Odinus,) aut sub patibulis consedit, qua
 "ex re lemorum aut suspensorum dominus est
 "vocatus." Magas has artes Ææaque carmina
 novit *Hervara*, quibus gladium penitura *Angantýrem* & fratres evocavit, adeo ut necroman-
 ticæ poëseos haud ignobile specimen nobis ex-
 hibeat ejus historia cap. VII. Furvo quoque
 metri genere aliquoties usus est errabundus post
 mortem *Klaufius*, vide. *Svarfdæla Saga*. Car-
 mine etiam *Surtus* quidam, cujus tumulum
 effregerat *Hördus*, violatori manium fata sua
 prædixit teste *Holmveria* S. Ed. Hol. p. 89.

- (4) Deorum & Geniorum responsa & vaticinia per
 carmina dari siveviffe docet modo citata *Holm-
 veria* S. p. 122. Ubi, cum pro more suo fa-
 num adiisset *Thorstannus Gullknappus*, auri-
 bus suis ex lapide allapsum hoc carmen
 excepit:

Þú hefir hingat, seinasta sinni,
 feigum fótum, fold sporada,
 Þvi mun rett, ádr röðull skíni,
 hardr Eindridi, heiptir gialða.

i. e. *Huc tu, ultima nunc vice, moriturus pedem tulisti, a te enim ante ipsum dñurni jubaris ortum sævus Endridius ultrices exiget poenas.* Ejusmodi vero carminum a Parcís & Geniis cantatorum, quibus prælia, regum principumque cædes prædicebantur, plurima in historiis occurrunt exempla, inter alia vid. *Níala* ed. Hafn. c. 126. 158. Vaticinia Sagarum memoratum *Vazdæla S. & Landmáma S.* P. III. c. 2. Ubi sedes in terra nondum culta *Ingemundo* & sociis prædixit saga quædam, nomine *Heidur*; cum *Olai Tryggv. Historia* P. II. p. 144. 145. Ubi *Nornagesto* in cunis vagienti sagæ tres fata cecinerunt. Hæ vero nugivendulæ partim carminibus ad inspicienda fata indiguerunt, quæ *Vardlokur Erici Randi historia* vocat, vide *Bart-hol. Antiquit. Dan.* Libr. III. cap. 4. partim oracula ipsa metrico sermonis genere ediderunt, quod *Örvaröddi* & *Asbörni Prúði* exempla docent, de hoc vid. *Ol. Tryggv. Hist. Append.* p. 10. De famosis vero borealium *Sagis*, quoniam incidit mentio, pauca de iis subjiciemus.

Has

Has fatidicas veteres *Vaulur*, *Völvur*, five *Volas* vocarunt, quarum, quæ bellicæ fortunæ divinatrices, huc pertinentibus auguriis præfuerunt, *Valkyriæ* dictæ videntur. *Volas* enim antiquissimas, & *Valkyriis* ipsis si non anteriores, saltem cœvas fuisse ex carmine *Vaulospá Stroph. 20. & seqq.* concludere licet. Utrasque vero sagas fuisse non dubito; quin *Volas* & *Valkyrias* unum idemque sagarum, diversa nomina cum tempore nactarum, genus olim fuisse, parum abest, quin credam. Certe *Valkyriarum* munus, *fata scilicet mortalium dispensare, & vitæ mortique dominari, Volis* assignat *Vaulospá str. 21.* Neqvis vero objiciat *Volas* & *Valkyrias* veterum Deas, five Parcas fuisse; quis nescit omnia hæc commentitia numina homines olim fuisse, vel rebus gestis, vel artium inventionem & peritia adeo celebres, ut post fata divinos honores ipsis tribuerit coeca posterorum superstitio. *Volas* præterea ad *Vidolfum* quendam genus referre asserit *Edda* in carmine *Hindloliód*; & prologus carminis *Vaulondar* Quidam tres nominat *Valkyrias*, unam *Kiaris Vallandiæ* Regis, duas vero *Laudvis*, s. *Ludovici* Regis filias; & plura *Valkyriarum*, quarum patres noti & nominati, exempla videbis in *Barthol. Antiqu. Dan. Libr. II. c. XI.* Ejus-

modi igitur foeminas olim vixisse quis dubitet? *Eddicum* vero supra memoratum *prologum* legens, fagas has boreales pennis olorinis labi per aëra solitas dum cogito, subit *Ovidiana Dipsus*, quæ hanc fagarum artem Romanis haud ignotam fuisse monstrat; de hac vero *Naso Lib. Am. El. 8.*

*Hanc ego nocturnas versam volitare per
umbras,*

Suspitor, & pluma corpus anile tegi.

Sic borealium *Dædalus Vaulundus*, non secus ac ille Græcorum, factitio alarum remigio mare supervolans iram regis sui effugisse dicitur. Sic *incubones, versipelles* & alia Græcis & Romanis cum borealibus fuere communia; ut inter gentes maxime dissitas, moribus, ingenio & lingua dissimiles mira fabularum & superstitionis consensio deprehendatur, quæ ego nunc quidem temporis & spatii parcus omitto. *Volas* quoque sive *Valkyrias* fagas illas bellicas fuisse reor, quæ Cimbro ad expeditionem Romanam secutæ sunt, teste *Strabone Geographo*, apud *Pontanum, Rer. Dan. Hist. Libr. I.* De quibus *Strabo*: "Morem hunc fuisse Cimbris usitatum ferunt. *Sequentibus eos in bellum uxori-*
bus

" bus, vates quædam comitabantur canæ, albo
 " vestitu, carbassis supparis desuper fibulis
 " affixis, cinctu æreo, pedibus nudis: Eæ per
 " castra captivis occurrebant strictis gladiis,
 " prostratosque ad crateram æneam adducebant
 " amphoras circiter viginti capientem. Su-
 " per eam pulpitum erat, quo conscenso vates
 " sublimis, singulis supra lebetem elevatis gut-
 " tur incidebant: e sanguine in crateram fuso
 " suam captabant quandam divinationem: reli-
 " quæ cadavera sic cæsorum scindebant, intesti-
 " nisque spectatis, victoriam suis vaticinaban-
 " tur. In præliis pelles pulsabant cratibus
 " curruum prætentas, quibus sonitus terribilis
 " edebatur." A Cimbrica etiam *Vola Ari-*
minensi sagæ *Foliæ* nomen jocabundum *Hora-*
tium imposuisse puto. *Epod. Lib. Od. V.*
 Latinam enim vel græcam vox ista non fa-
 pit originem. Nec Germanorum Celta-
 rumque *Alyronias*; quarum apud *Cæsarem* &
Tacitum occurrit mentio, a Borealium *Val-*
kyriis diversas fuisse, monstrat *Aventini* locus
 apud *E. Schedium de Diis Germanis Syngr.*
 II. c. 43, ubi Cimbrorum mulieres fatidicas,
Straboni memoratas, patrio nomine *Alironias*
 nuncupari refert. *Aluriniæ*, vel *Aliorunas*
 non proprium sed commune omnium saga-

rum nomen fuisse, auctorem *Jornandum de Rebus Gothicis* secutus existimat *Lipsius in notis ad Taciti Libr. de Mor. Germ.* Mihi quidem omnem hujus rei dubitationem eximit supra memoratus *prologus Eddicus* carminis *Vaulondar Quida*, qui inter tres *Valkyrias* unam fuisse dicit *Aulrunam Vallandiæ* regis filiam; *Vallandiam* vero *Galliam* majores nostros vocasse, nemini ignotum; quis igitur in *Celtica* hac *Aulruna*, *Celtarum Alyroniæ* non agnoscit? *Aulrunam* vero, sive *Alyroniam* fatidicam olim principem & celeberrimam fuisse reor, a qua cæteræ, quæ eandem artem exercuerunt, sicut a prima *Sibylla* s. *Erythraea* reliquæ, denominatæ sunt. *Volæ* vero nomen a *Sibylla*, vel græcorum $\beta\alpha\lambda\eta$ derivare, nimis longe petitum videtur. Insigne divinatoriæ majorum poëseos specimen, inter *Odas Eddicas* in *Vaulospá*, quod *Volæ vaticinium* significat, nobis superest.

- (5) Diras & imprecatoria carmina veteres vocant *Niid*, ut duplex hujus genus fuerit; nam & famosis carminibus, & imprecationibus magicis idem nomen indiderunt. Ejusmodi imprecatione magica navis suæ incendium

dium & eādem fociorum ultus *Thorleifus Jarlaškald*, *Haconem Hlada Jarlum* regni Norvegici usurpatorem ita depexit devovitque, ut tantum non encucrit, vid. *Ol Trygg. Hist.* P. I. c. 170. Tales imprecationes magicas in *Eritum Blodöxium*, conto, qui inde *Niðslaung* dicitur, inculpfit *Egillus Skallagrimi filius*, vid. S. J. *Stephanii* Notas in Libr. V. *Saxonis Grammatici.* p. 116. Thyeftearum quoque precum non inficiandum exemplar *Herraudi & Bosii Historia* suggerit; imprecatorium nempe *Buflæ* carmen, vulgò *Buflu Ban.* vid. *Herraudi & Bosii Hist. ed. Upsal.* cap. 5. quæ historia licet valde fabulosa, antiquitatis tamen index est & imitatrix. Id genus vero poëtas priusquam missos faciamus, observamus obiter credidisse veteres, primum quidem, poëtas nasci, non fieri; deinde motus ingenii poëtici nunc remissiores, nunc ferventiores, ut in novilunio; indeque enatam vertiginem poëticam *Skáldvingl* dixisse; Poësin porro, & omnis quoque magiæ expertem, artem esse per se efficacem, & tam in avertendis quam inducendis malis, mirabiles posse putarunt effectus producere; & efficacem hanc poësin, non cuivis ex trivio poëtæ, sed entheis tantum &

præstantissimis vatibus concessam, *Akvæda Skáldskap* vocarunt; unde adagium: ei skal skáld eria i. e. *Poëtam ne laceffito*. Quæ quidem opinio in Islandia, ut lingvæ, hystoriæ & poëseos, ita ingenii antiquioris tenacissima, nondum penitus exolevit. De *Hallgrimo Petri*, insigni & in hymnis sacris foelicissimo prioris seculi poëta, non illepidam puer fabulam audiui: Vulpeculam forte in gregem sævientem cum conspiceret, nec posset avertere, æstro poëtico concitus fertur incaluisse, feramque sequenti teratisticho illico exanimasse:

Pu sem bitur bænda fe,
 baulfud i þer augun fe,
 Stattu nù sem stofnad tre,
 stird oc daud á jördune.

i. e. *Innocui quæ glubis oves male pasta coloni
 Vulpes, devotum fit tibi dira caput!
 Arboreus veluti truncus, qui fixus humi stat,
 Stent tua letali membra revincta gelu!*

De his vero & aliis poëtarum attributis in
Stephani Not. in Præfationem Saxonis Gram-
matici pag. 12. 13. plura sis legito.

§. 17.

Hæc veterum poëmata, quæ ad suas
 classes redigere conati sumus quamvis non
 sint ejusdem omnia momenti, sua tamen
 pleraque commendat utilitas. Nullum enim
 prisce carminis genus est, unde vel linguam
 & ingenium, vel religionem moresque ma-
 jorum discere non possis. Encomiasticæ ve-
 ro poëseos ea propria laus est, quod vetus-
 tioris historiæ sola fere fuerit conservatrix;
 idem uno quasi ore fatentibus, quicunque
 res boreales literis consignare primi sunt ag-
 gressi (*). Ferbuit per integrum septentrio-
 nem artis poëticæ studium ab *Odino* ad secu-
 lum usque p. n. Ch. decimum, vel potius
 ad mutationem sacrorum. Post religionem
 Christianam publica auctoritate stabilitam
 adeo elanguit prompta prius & mascula borea-
 lium musa, ut, si Islandos exceperis, ab iis
 temporibus paucissima poëmatum fragmen-
 ta nobis supersint, quæ indigenas auctores

habuerint. Hujus rei causa nec ingeniorum marcori, nec cum exteris commercio, nec bellis aut turbis civilibus, quibus vetustiora tempora nunquam caruerunt, sed præpostere adscribenda solertia cleri papalis (²), qui consilio, forte pro ratione temporum prudenti, sed historiae & literaturæ boreali pernitioso, cum omnia vetustiora monumenta obolevisse, tum, quam primum educationis & conscientiae magisterium adeptus est, poësin & mythologiam borealem, nequid novæ religioni officeret, proscripsisse, & ceu profanam & impiam traduxisse videtur. Quantas igitur literarum tenebras universæ tunc temporis Europæ offuderat inerudita & imperiosa Curia Romanæ calliditas, tantam quoque septentrioni caliginem & oblivionem sui induxisset, ut ultra Albim in *Cimbrica*, & trans balthici maris sinus & freta in *Scondiana Chersoneso*, *Marii* Consulis, *Justiniani* & *Caroli Magni* Imperatorum ævo, genus hominum vixisse, nunc nos ignorare crederem, nisi vel exteri scriptores docuissent, vel magnus ille *Valdemari Imi* Pylades & sui seculi ornamentum *Abfalon*, hunc histo-

historiæ & literarum lethargum, patriæ, cujus decus consiliorum prudentiâ & armorum foelicitate afferuerat, minus utilem & gloriosum judicasset. Hujus igitur auctoritate impulsus *Saxo Grammaticus*, prisca & prævia *Islandorum* sedulitate in subsidium vocata, conqvisitis, quæ blattis & vetulis ante dedicata latuerant, antiquitatis patriæ monumentis, corpus historiæ Danicæ stilo romano primus concinnavit; opus quidem, si prima tempora spectes, indigestum ⁽³⁾, sed pro suo ævo incomparabile, utpote quod nec nervi boreales, nec latialis facundiæ lepores deficiunt.

- (1) Quemadmodum *Jornandes de rebus Gothicis* c. 4. scribit, horum *res gestas*, in *præcis eorum carminibus* *pene historico ritu in commune reoli*; ita priscorum carminum in historia antiquiori fidem se secutos fatentur *Sturlafsonius* in *Heimskr.* ed. nov. Hafn. pag. 1. 2. 4. *Saxo Grammaticus* in *Præfat. Hist. Dan.* p. 2. *Theodoricus Monachus* in *Hist. Norv. Præfatione ad Augustinum Archi-Ep. Nidros.* De horum vero carminum fide de industria egerunt *Bartholinus Antiquit. Dan.*

L. I. c. 10. 11. *Torfæus. Ser. Reg. Dan.*
 L. I. c. 6. *Schöningius Præf. Heimskringlæ,*
Sven Bring vid. Svea Rikes Hist. Indledn.
 §. 5. 6. 7. & alii, ad quos hæc sciendi cu-
 pidum lectorem amandatum volumus.

- (2) Non Runarum modo, sed Gothicarum & Latinarum quoque literarum usum *Saxone* & *Svenone Aggonis* in Dania & reliquo Septentrione longe antiquiorem esse, nullum est dubium; quin magna carminum antiquorum copia, & aliis, iisque scriptis monumentis historicis usum *Saxonem*, per ipsius historiam ambigere non licet. Ut igitur aliquod hujus rei argumentum adferam, meminit *Saxo Libro VIII*vo, historiæ belli *Svetici* five *Bravici* a *Starkathero* compositæ, memoriæ tamen magis quam literis traditæ. Hanc vero nisi *Saxo*, non a *Starkathero* quidem, sed juniore quopiam scriptam habuisset, quomodo tot circumstantias, locorum hominumque nomina tanto post tempore dare potuisset, non video. Hæc enim omnia finxisse *Saxonem* non sine summa tanti viri injuria credi potest. Præter tempus igitur rerum edax, cujus injuria tot periere scripta majorum, & inter alia, *Sæmundi* & *Arni Multisci*

tificii, antiquissimorum Septentrionis historiarum plerique labores, male sedulas *Cleri Pontificii* artes monumentis Danicis & Norvegicis interitus causas fuisse reor, quibus quoque Scriptorum Svecicorum imputat inopiam fagax & luculentus historiæ patriæ auctor *Lagerbringius Hist. Regn. Svec. P. II. c. 20. §. 7.*

- (3) In condendo regum catalogo, & vetustiorum temporum notatione adeo cespitasse *Saxonem*, ut nepotes interdum avis præposuerit, & extera domesticis, hujus illiusve provinciæ principes regibus summa tenentibus admiscuerit, æquis & peritis rerum censoribus mirum videri non debet. Si enim ipse *Torfaeus*, in emendando *Saxone* tam foelix & laboriosus, quique in *Ser. Reg. Dan.* historiam Borealem, errantem antea, & *Ortygiæ* instar oras & littora circum fluitantem, immotam coli dedit, & certis temporum articulis revinxit, si tantus, inquam, temporis antiqui scrutator, Illustri *Schönningio* in *Præfat. Hist. Norveg.* nec injuria videtur, non tam *Historiam Norvegicam scripsisse, quam ea, unde concinnari possit congeffisse, aliis vero reliquisse eventus & gesta ad sua tempora referre*; quis miretur *Saxonem* in antiquissima

qvissima historia tempora confudisse, ubi præter prisca vatum carmina, non magis invicem coherencia, quam turbata ventis *Cumææ Sibyllæ* folia, præterqve laccras forte & admorfas historiæ maxime particularis lacinias, quas sequeretur, duces non habuit. Chronologia enim pleraque antiquior, & quæ ab ethnicis temporibus est, omnis caret historia Septentrionalis.

§. 18.

Antiqua porro carmina, quibus ceu fundamentis nititur historia vetustior, quatenus nobis etiamnunc reliqua sunt, ad quatuor possunt classes referri. Sunt enim vel *Eddica*, quæ si unum alterumve exceperis, pervetusta sunt, sed quorum auctores varii, nec in una forsitan terra quærendi, imo incerti; quæ enim præ se ferunt, nomina, magis *de quibus*, quam *quorum sint*, testari videntur. Vel *Danica*, quorum reliquias sed romano metro & sermone donatas, *Saxo* conservavit (*). Vel *Norvegica*, quibus res Norvegicas Norvegi, ut *Thiodolfus Hvinnensis*, & *Evindus Skaldaspiller*, par nobile vatum cecinere; horum, si a laudatis

tis

tis duumviris discefferis, poëmatum, non ita quidem multa, quædam tamen apud *Snorronem* & alios fragmenta supersunt. Vel *Islandica*, quorum magna de propriis, de peregrinis rebus maxima copia, & per omnes historias boreales disjecta membra leguntur (²).

- (1) Quanta Danicorum carminum farrago scribenti *Saxoni* præsto fuerit, priores octo ejus historiæ libros vel inspiciendo doceberis. Noli putare *Saxonem* hos versus animi causa commentum fudisse, & variis auctoribus affinxisse; quasi vero tunc in reliqua operis parte exaruerit vena viri poëtica. Indigna *Saxonis* meritis & fide hæc est suspicio. Notus præterea aliunde *Starcatherus* poëta; supersunt *Biarconis* carmina Saxonianis versibus congrua; quin etiam ipsa narrationis fila attento peritoeque lectori internitebunt prisca coloris gnomæ poëticæ & hemistichia, quorum originem vel in latina lingua, vel in vernaculo, quod *Saxonis* tempore in Dania viguit, idiomate, frustra quænaveris. Dolendum sane hæc antiquitatis monumenta intercidisse, non quod ea *Saxo* non elegantissime dederit, sed quia
lingua

lingva & historia patriæ, vel ut aquæ ex ipso fonte purius bibuntur.

- (2) Seculo post N. Ch. nono, quo tempore poëseos borealis honos & studium maxime caluit, quippe vel Regibus ipsis & principibus foceminis excultum, quod *Pulchricomi* & *Hildæ Raugnvaldi Mærensum Comitæ uxoris*, & *Rolfi Peditis* matris exempla docent, vid. *Heimskr. Vit. Har. Pulchric. c. 24. 26*, & aliunde, & maxime ex Norvegia, tyrannidis Haraldianæ insueti & impatientes, cum primis qui claris orti natalibus, vel ipsi ante potentes, arva linqvere patria, quam in patria avita libertate carere maluerunt, & ut alio dilapsi, ita plurimi in Islandiam penates transulerunt, eoqve leges, religionem, mores, linguam & ingenium poëticum secum laverunt. In hoc igitur Septentrionis angulo, aliunde paulatim extorris lingua & musa borealis non solum diutissime remansit, sed viguit adeo floruitqve, ut plus trecentis ab habitata insula annis, singulis Regum Principumqve Septentrionalium aulis poëtas Islandia miserit. Horum *Skaldorum*, quorum maxima pars Islandi fuerunt, Catalogum *Literaturæ*

raturæ suæ *Runicæ* subtexuit vir immortalis *Olaus Wormius*. Unde liquet mansisse poëseos honorem & pretium, quamdiu aliqualis lingvæ antiquæ usus & notitia superfuit, alente artem Principum gratia & munificentia, qua divites & beati ad suos plerumque *Skaldî* rediere. Nobilissimæ hujus artis desuetudinem in eleganti carmine hexametro *Aldarháttr*, quo *mores sæculi* exagitat, civibus exprobrat, exempla majorum objiciens supra laudatus *Hallgrimus Petri filius*: Glæ foktu hranna til rikra kongs ranna; i. e. *A regum inde potentium aulis aurum & divitias arcessiverunt*; quo non solum fortitudinis & fidei, sed carminum quoque præmia indigitare videtur.

§. 19.

Seculo post Ch. N. undecimo in Islandia *Sæmundus* & *Arius* uterque *Multiscius* dictus; seculo vero duodecimo, centum circiter post annis, in Dania *Saxo-Græmaticus* & *Sveno Aggonis*; in Norvegia *Theodori*.

doricus Monachus; & in Islandia *Snorro Sturlæsonius* ⁽¹⁾, res boreales literis mandare coeperunt; Qvos alii deinceps magno numero & conamine secuti sunt. Triplex igitur septentrionalis historiæ ætas observari potest; *Prima* nempe ad *Odini* tempora descendit, quæ *obscura*; *Secunda* ab *Odino* ad introductam in regna borealia religionem Christianam, quæ *poëtica*; *Tertia* a Septentrione ad *Christum* converso ad nostra usque tempora, quæ *literata* dici meretur ⁽²⁾.

- (1) Magnanima, nec unquam satis prædicanda
Clementissimi PRINCIPIS HÆREDIS,
 summi & præcelso, ut omnium, ita arctoa-
 rum literarum Euergetæ liberalitate, felicissi-
 mis auspiciis, & magno cum eruditorum ap-
 plausu prodit nunc celeberrimum *Snorronis*
 opus historicum, quod *Heimskringla* vocari
 sœvit.

- (2) Disting-

- (2) Distingvi solent tempora in *obscurum*, *fabulosum* & *historicum*; quæ divisio cum nostra nullo negotio componitur ita, ut *primæ* nostræ ætati partim *obscurum*, partim *fabulosum*; *secundæ* partim *fabulosum*, partim *historicum*; *tertiæ* vero *historicum* tempus respondeat. In *Sæmundanarum* Odarum cæligine, & alibi, nonnulla forte reperiuntur historiæ *Odino* anterioris vestigia, sed fabulis adeo involuta, ut verum a falso dignoscere, res sit successus pæne desperati. Cum commentis quoque & tenebris luctatur *Odini* ipsius ætas, *Odinoque* proxima aliquot secula; sed veritate sensim magis magisque interlucente, *Gormonis Grandævi* in Dania, & *Haraldi Pulchricomi* in Norvegia temporibus, nebulis tandem fere discussis, certa jam & clarius emersit historia. Nec Christiana religione inferiora tempora næniis papisticis prorsus carent, quarum referatæ *Canutorum* in Dania *Martyrum*, & *Olaforum* in Norvegia historiæ; sed harum adfvetis & peritioribus historicis ejusmodi quisquiliæ fucum facere nequeunt. Pro temporum

porum ratione reliquis aliquanto lucidior videtur antiquissima Sveciæ historia, quod *Ynglingorum* profapiæ in Norvegia cum *Pulchritomo* caput extollenti, diuque deinceps dominatrici debetur; in hujus enim familiæ regiæ gratiam Norvegi & Islandi hanc historiæ Svecanæ partem carminibus & scriptis illustrarunt.

B. 4.
H. ab.

(*)
u-v-u





